



Page: 17

Reach: 0

Country: BOSNIA AND HERZEGOVINA

Size: 469 cm2

1 / 1

TUŽILAŠTVO BiH Podignuta optužnica protiv 19 uhapšenih u akciji Šetač

Tužilaštvo BiH, nakon višemjesečne istrage, podiglo je optužnicu protiv 19 osoba uhapšenih u okviru akcije kodnog imena Šetač, a koje se terete za međunarodni šverc droge, te je uz obitan dokazni materijal dostavilo Sudu BiH na potvrđivanje. Među optuženima nalazi se i dubrovački privatnik i bivši MMA ultimate fighter Ajlin Ičo Ahmić, koji je početkom aprila prošle godine uhapšen u Sarajevu.

Oduzimanje imovine

Iz Tužilaštva ističu da se radi o jednoj od najopsežnijih optužnica za organizirani kriminal i međunarodni šverc droge u postdejtonskoj BiH, te da je ona rezultat rada Tužilaštva BiH i MUP-a RS-a, SIPA, Granične policije BiH i MUP-a Kantona Sarajevo, pravosudnih agencija Hrvatske, Crne Gore, Srbije i Albanije. Preostali dijelovi međunarodne kriminalne skupine se procesuiraju u Crnoj Gori i Hrvatskoj.

Ovom opsežnom optužnicom, obuhvaćene su osobe sa područja Bileće, Trebinja, Ljubuškog, Banje Luke i Sarajeva, a uz optužnicu je predloženo više od 500 dokaza i saslušanje više od 100 svjedoka optužbe. Optužnica je podignuta protiv: Aleksandra Ivkovića (29), Aleksandra Šutovića (28), Vladimira Grubačića (33), Vuškašina Dželetovića (38), Dejana Vučinića (25) iz Bileće, Zorana Tubića (33), Igora Milutinovića (32), Novice Trkčja (39), Miljana Kuljića (40), Ranka Koprivice (27), Draženka Ivkovića (31), svi iz Trebinja, Ajlina Ahmića (30) i Bojana Čalasana (28) iz Dubrovnika, Dražena Primorca (27) iz Mostara, Zorana Pilatića (23) iz Čapljine, Nikole Pilatića (50) iz Ljubuškog, Borisla

Zaradili stotine hiljada maraka švercom droge

Sudu BiH na potvrđivanje dostavljena optužnica protiv Aleksandra Ivkovića i ostalih koji se terete da su od 2010. do 2013. iz Albanije i Crne Gore, u BiH i Hrvatsku prokrijumčarili više desetina kilograma raznih vrsta droge



Sa privođenja osumnjičenih u prostorije SIPA u aprilu prošle godine

va Bajića (49) iz Bosanskog Grahova, Dragana Gačića (34) iz Stoca i Vladimira Antovića (40) iz Nikšića. Oni se terete da su od 2010. do 2013. godine, djelujući kao organizovana kriminalna grupa, formirana radi međunarodnog šverca velikih količina droge, u više navrata, prokrijumčarili više desetina kilograma marihuane, heroina i kokaina, sa područja Albanije i Crne Gore, u Bosnu i Hercegovinu, te dalje prema teritoriji Hrvatske.

Prema prikupljenim dokazima i rezultatima istrage, optuženi su u više navrata prokrijumčarili količine između peti do 15 kilograma marihu-

ane, te količine od nekoliko stotina grama heroina i kokaina. Švercom droge zaradili su više stotina hiljada maraka, koje su pojedini optuženi ulagali u kupovinu skupocjenih automobila ili drugih vrijednosti, te na taj način "prali" prljavi novac ubacujući ga u finansijsko poslovanje država u kojima žive. Iz Tužilaštva napominju da će zatražiti oduzimanje nezakonite imovinske koristi koja se kreće oko 150.000 maraka. Nezvanično se moglo čuti da će se tražiti oduzimanje i dva - tri vozila koja je novcem zaradenim od šverca droge nabavio Trebinjac Zoran Tubić.

Podsjetimo, optuženi su "pali" u akciji Šetač, koja je bila pokrenuta na području nekoliko zemalja i trajala je više od četiri mjeseca. Tokom pripreme akcije policija je prisluški-vala više od 100 telefonskih brojeva i pratila mnoštvo osoba. Jedan od organizatora Ajlin Ahmić uhapšen je u Sarajevu, dok su mu je USKOK pretresao kuću u Dubrovniku. Nedugo nakon hapšenja, Ahmić je pušten da se brani sa slobode uz kauciju od 133.695 maraka.

Iako je bio jedan od talentovanih ultimate fight boraca i član dubrovačkog UFC Gladijator, Ahmić je prekinuo borilačku karijeru u 2011.

pokrenuo privatni biznis. Osnovao je zaštitarsku firmu APB Croatia, koja se bavi prevozom VIP osoba, nadzorom, osiguranjem kongresnih susreta te savjetovanjem u vezi sigurnosti, ali i istragama u slučaju otmica i krađa. APB je dio svjetske franšize, a jedne od većih mušterija bili su Jay Z, Jeremy Irons i Fat Boy Slim. Zaštitar i bivši MMA borac Ahmić se, kako su policajci otkrili, upleo u poslove sa drogom. Po red toga, imao je vremena i za političke aktivnosti, pa je (bio) član Vijeća bošnjačke nacionalne manjine Dubrovačko-neretvanske županije.

Poruka javnosti

Prvooptuženi Aleksandar Ivković, zvani Sale, i prije je imao posla sa Tužilaštvom BiH nakon što ga je u maju 2011. SIPA uhapsila zbog organizovanog kriminala i šverca droge.

Nakon podizanja optužnice iz Tužilaštva BiH poručili su da je ovo jasna poruka javnosti i građanima da BiH ima jake i osposobljene tužilačke i policijske kapacitete za borbu protiv najtežih oblika organizovanog kriminala, te da je međunarodna i regionalna saradnja pravosudnih i policijskih institucija ključna u borbi protiv međunarodnih oblika kriminala.

D. P.